

## PREGUNTAS FRECUENTES (FAQ)

### Programa "DepoEmprende" 2022-2023

"DepoEmprende na escola", "DepoEmprende na ESO" e "DepoEmprende na FP"

1. [Cal é o obxecto da convocatoria? Base Primeira](#)
2. [Que é "DepoEmprende"? Base Segunda](#)
3. [Cal é a metodoloxía de cada proxecto? Base Segunda](#)
4. [Como se temporaliza o programa "DepoEmprende"? Base Segunda](#)
5. [Cando remata o programa "DepoEmprende"? Base Décimo quinta](#)
6. [Cando remata o programa "DepoEmprende"? Base Décimo quinta](#)
7. [Quen pode solicitar a participación nos proxectos "DepoEmprende"? Base Terceira](#)
8. [Os centros educativos poden participar en máis dun proxecto "DepoEmprende" á vez? Base Quinta](#)
9. [Con que recursos se conta para desenvolver os proxectos na aula? Base Segunda](#)
10. [Como se ten que presentar a solicitude de participación? Base Quinta](#)
11. [Que certificados admite a Sede electrónica da Deputación de Pontevedra? Base Quinta](#)
12. [Cal é o prazo de presentación de solicitudes? Base Sexta](#)
13. [Que pasa se a solicitude non reúne os datos esixidos? Base Novena](#)
14. [Pódese renunciar a participar no programa "DepoEmprende"? Base Décimo Cuarta](#)
15. [Se algún centro educativo renuncia, pódese cubrir a praza vacante? Base Décimo Cuarta](#)
16. [Cantos centros poden participar? Base Décima.](#)
17. [Como se seleccionarán os centros participantes? Base Décima](#)
18. [Como se resolven os empates? Base Décima](#)
19. [Quen seleccionará os centros participantes? Base Décimo Sétima](#)
20. [Que se entende por proxectos baseados en metodoloxías de aprendizaxe cooperativa? Anexo I](#)
21. [Que se entende por proxectos para o impulso da cultura emprendedora? Anexo I](#)
22. [Que se entende por actividades de innovación educativa? Anexo I](#)
23. [Como se poden resolver as dúbidas? Base Segunda](#)

### 1. Cal é o obxecto da convocatoria? **Base Primeira**

Estas bases teñen por obxecto **convocar os centros educativos** da provincia de Pontevedra sostidos con fondos públicos **para participaren nos diferentes proxectos que compoñen o programa “DepoEmprende”**, promovido pola Deputación de Pontevedra a través do Servizo de Promoción de Emprego e Desenvolvemento Local.

### 2. Que é “DepoEmprende”? **Base Segunda**

O programa “DepoEmprende” é unha iniciativa que nace coa finalidade de promover no ámbito educativo dinámicas de traballo cooperativo que favorezan a adquisición de competencias e coñecementos vinculados á cultura emprendedora e ao espírito emprendedor.

O programa diferénciase en tres proxectos:

- “DepoEmprende na escola”
- “DepoEmprende na ESO”
- “DepoEmprende na FP”

### 3. Cal é a metodoloxía de cada proxecto? **Base Segunda**

- “DepoEmprende **na escola**”: a metodoloxía céntrase na **creación de cooperativas escolares** nas que o alumnado desenvolve unha serie de procesos de planificación e xestión **que teñen como fin a fabricación de produtos para a súa venda**, a través da cal recuperan o capital inicial e obteñen beneficios dos que doan unha parte a accións sociais ou ONG que as socias e socios da cooperativa elixen por consenso.
- “DepoEmprende **na ESO**”: a metodoloxía céntrase na **creación de cooperativas escolares nas cales o alumnado distribúe produtos** que adquire de empresas proveedoras que elixe segundo criterios de sustentabilidade e responsabilidade social corporativa. Póñense en práctica capacidades de negociación, toma de decisións, comunicación e resolución de conflitos e, finalmente, véndense eses produtos para recuperar o capital inicial e obter beneficios, dos cales doan unha parte a accións sociais ou ONG que as socias e socios da cooperativa elixen por consenso.
- “DepoEmprende **na FP**”: a metodoloxía céntrase na **realización por parte do alumnado de proxectos empresariais** a través dos cales se potencian a adquisición de competencias e aptitudes relacionadas co emprendemento, tanto no ámbito

empresarial coma no autoemprego, e as actitudes necesarias para asumir riscos e responsabilidades. Así mesmo, o alumnado participa de forma activa na vida económica social e cultural do seu contorno cunha actitude crítica e responsable.

#### 4. Como se temporaliza o programa “DepoEmprende”? **Base Segunda**

O programa “DepoEmprende” desenvolverase previsiblemente ao longo do curso escolar 2022-2023, temporalización que, ao igual que a metodoloxía do programa, se adaptará tendo en conta as decisións que se tomen desde as administracións públicas competentes sobre a organización e planificación do presente curso escolar.

#### 5. Cando remata o programa “DepoEmprende”? **Base Décimo quinta**

O programa “DepoEmprende” finalizará, previsiblemente, no mes de xuño, de forma previa ao fin do curso escolar 2022-2023.

No caso do proxecto “DepoEmprende na FP” este finalizará, previsiblemente, antes do inicio do período de FCT.

#### 6. En que casos se poden suspender actividades ou clausurar os proxectos? **Base Décimo quinta**

No caso de que a planificación do antedito curso escolar condicione o desenvolvemento do programa ou de que ao longo da súa realización este se vise afectado por algunha situación de risco ou forza maior que imposibilite o seu desenvolvemento, a Deputación de Pontevedra reservará o dereito de suspender ou terminar actividades, finalizar a posta en marcha dalgún dos proxectos, ou ben clausurar a totalidade do programa “DepoEmprende”. Así mesmo, poderá suspender ou terminar a participación dos centros no programa cando as circunstancias o determinen.

#### 7. Quen pode solicitar a participación nos proxectos “DepoEmprende”? **Base Terceira**

Poderán participar nesta convocatoria **centros educativos sostidos con fondos públicos da provincia de Pontevedra dependentes da Xunta de Galicia**. Cada proxecto “DepoEmprende” está pensado para etapas educativas diferenciadas:

- Proxecto **“DepoEmprende na escola”**: é un proxecto que ten como **destinatarios os centros educativos que impartan Educación Primaria e/ou Educación Especial**. No caso dos centros que impartan **Educación Primaria** o proxecto dirixirse ao alumnado

de 5º e 6º, mentres que no caso dos centros que impartan **Educación Especial** dirixírase ao alumnado de **programas formativos básicos** e/ou alumnado para o cal o centro educativo e o profesorado consideren que a experiencia pode ser proveitosa.

- Proxecto "**DepoEmprende na ESO**": é un proxecto que ten como **destinatarios os centros educativos que impartan Educación Secundaria Obrigatoria e dirixírase ao alumnado de 4º da ESO**, preferentemente o que curse as materias Iniciativa á Actividade Emprendedora e Empresarial, Ciencias Aplicadas á Actividade Profesional ou outras similares.
- Proxecto "**DepoEmprende na FP**": é un proxecto que ten como **destinatarios aqueles centros educativos que impartan Formación Profesional de grao medio ou grao superior** e dirixírase preferentemente ao alumnado que curse o módulo Empresa e Iniciativa Emprendedora ou similar.

Xunto co cumprimento e adecuación aos perfís detallados, os centros solicitantes deberán cumprir os seguintes requisitos:

- Estar sostidos con fondos públicos e depender da Xunta de Galicia
- Estar situados no ámbito xeográfico da provincia de Pontevedra
- Constar como inscritos no Rexistro Estatal de Centros Docentes non Universitarios (RCD)

#### 8. Os centros educativos poden participar en máis dun proxecto "DepoEmprende" á vez?

##### **Base Quinta**

Si, os centros poderán solicitar a participación nun ou en varios proxectos "DepoEmprende", sempre e cando contén coa oferta educativa que se indica como requisito para participar nos diferentes proxectos.

Neste caso será necesario que o centro interesado presente unha solicitude para cada un dos proxectos aos que desexe adherirse.

#### 9. Con que recursos se conta para desenvolver os proxectos na aula? **Base Segunda**

Ao longo do desenvolvemento do programa "DepoEmprende", a Deputación de Pontevedra dota aos centros educativos participantes de formación, recursos e ferramentas que posibilitan o desenvolvemento eficaz das accións relacionadas con cada un dos proxectos, para as cales se realiza un proceso permanente de seguimento e avaliación que permite analizar os logros, a

execución diaria do proxecto e o seu impacto, así como asesorar ao profesorado e resolver incidencias e dúbidas. A ferramenta principal é o portal educativo de “DepoEmprende”, que ten como finalidade potenciar a comunicación entre os centros participantes, favorecer o acceso aos recursos formativos e didácticos, e asegurar a orientación, o asesoramento e a titoría de forma continua.

#### **10. Como se ten que presentar a solicitude de participación? Base Quinta**

As solicitudes presentaranse obrigatoriamente por vía electrónica a través do formulario normalizado dispoñible na Sede electrónica da Deputación de Pontevedra (<https://sede.depo.gal>).

Se algún dos centros interesados presenta a súa solicitude presencialmente requiriráselle que a emende a través da súa presentación electrónica. Para estes efectos considerárase como data de presentación da solicitude aquela na que se realizase a emenda.

#### **11. Que certificados admite a Sede electrónica da Deputación de Pontevedra? Base Quinta**

Para a presentación das solicitudes a Sede electrónica da Deputación de Pontevedra admite os certificados electrónicos do sistema Cl@ve, que contempla a utilización de sistemas de identificación baseados en claves concertadas (sistemas de usuario e contrasinal) e certificados electrónicos (incluído o DNIe). O acceso mediante Cl@ve pode solicitarse presencialmente nas oficinas habilitadas, que se poden consultar na seguinte ligazón:

[Consulta de oficinas para a solicitude do sistema Cl@ve](#)

Poderán darse as seguintes situacións:

- a) O certificado electrónico de identificación é o do centro educativo que fai a solicitude: non se terá que entregar ningún documento coa solicitude
- b) O certificado electrónico é dalgunha persoa do equipo directivo: terase que entregar coa solicitude un documento que acredite o seu cargo na entidade solicitante
- c) O certificado electrónico é doutra persoa non pertencente ao equipo directivo: terase que entregar coa solicitude un documento no que unha persoa do equipo directivo do centro acredite o seu cargo e autorice a súa representación

#### **12. Cal é o prazo de presentación de solicitudes? Base Sexta**

O prazo de presentación de solicitudes comezará o día seguinte ao da publicación deste anuncio no Boletín Oficial da Provincia de Pontevedra (BOPPO) e finalizará o 30 de setembro de 2022.

**13. Que pasa se a solicitude non reúne os datos esixidos? Base Novena**

Se a solicitude non reunise os datos esixidos na convocatoria ou calquera dos previstos no artigo 66 da LPACAP, requiriráselle á entidade interesada, de conformidade co establecido no artigo 68 da devandita lei, que, nun prazo de dez (10) días hábiles, emende as faltas ou presente os documentos preceptivos, indicándolle que, de non o facer, terase por desistida a súa solicitude, que se arquivará sen máis trámites.

**14. Pódese renunciar a participar no programa “DepoEmprende”? Base Décimo Cuarta**

No caso de que algún centro educativo renuncie á praza asignada para a participación no proxecto no que foi seleccionado, deberá informar á institución provincial a través da correspondente solicitude dirixida ao Servizo de Promoción de Emprego e Desenvolvemento Local mediante unha instancia xenérica presentada por rexistro atendendo ao establecido no artigo 16.4 da LPACAP.

**15. Se algún centro educativo renuncia, pódese cubrir a praza vacante? Base Décimo Cuarta**

Si, nesta situación a Deputación de Pontevedra poderá cubrir a praza vacante seleccionando ao centro que se atope en primeiro lugar na lista de suplentes atendendo á puntuación obtida no proceso de selección, no caso de que se constitúa a dita lista e cando non transcorresen máis de catro meses desde o inicio do proxecto.

**16. Cantos centros poden participar? Base Décima.**

O número de centros participantes non poderá superar o máximo de prazas por cada un dos proxectos “DepoEmprende”, tal e como se indica no seguinte cadro:

Proxecto	Número máximo de centros por proxecto
“DepoEmprende na escola”	12
“DepoEmprende na ESO”	10
“DepoEmprende na FP”	10

Así mesmo, para que os proxectos se poidan iniciar deberase contar cun mínimo de 5 centros educativos por proxecto.

**17. Como se seleccionarán os centros participantes? Base Décima**

A selección dos centros educativos participantes tramitarase en réxime de concorrencia competitiva conforme aos criterios que se establecen na convocatoria, e atendendo ás características de cada proxecto.

**18. Como se resolven os empates? Base Décima**

No caso de empate, este resolverase atendendo á titularidade do centro educativo, dándolle prioridade á participación do centro con titularidade pública ante o de titularidade concertada.

Se o empate persiste, este resolverase atendendo á maior puntuación obtida no primeiro apartado dos criterios de selección, que terá preferencia sobre os seguintes apartados, e así sucesivamente cos posteriores apartados.

**19. Quen seleccionará os centros participantes? Base Décimo Sétima**

Para a selección dos centros educativos e o seu seguimento constituirase unha comisión coa finalidade de resolver as incidencias e dúbidas que se produzan no seu desenvolvemento. Esta comisión terá a competencia de avaliar as solicitudes presentadas segundo os criterios establecidos no Anexo I desta convocatoria e resolver as dúbidas e incidencias que se produzan no seu desenvolvemento, tal e como se establece no convenio asinado coa Consellería de Cultura, Educación e Universidade.

Esta comisión estará constituída por:

- Dúas persoas representantes da Consellería de Cultura, Educación e Universidade
- Dúas persoas representantes da Deputación de Pontevedra

**20. Que se entende por proxectos baseados en metodoloxías de aprendizaxe cooperativa?**

**Anexo I**

Os proxectos baseados en metodoloxías de aprendizaxe cooperativa aqueles nos cales se realizan tarefas e actividades a través do traballo en equipo entre iguais. É unha metodoloxía que favorece o desenvolvemento óptimo de todas as persoas do equipo e as relacións de colaboración mutua e que persegue a satisfacción das necesidades individuais como medio para acadar as metas do grupo.

**21. Que se entende por proxectos para o impulso da cultura emprendedora? Anexo I**

Os proxectos para o impulso da cultura emprendedora son aqueles que traballan no coñecemento en materia de emprendemento e que favorecen a adquisición de competencias coma a innovación, a creatividade, a autonomía, a toma de decisións, a iniciativa e o liderado, entre outras.

**22. Que se entende por actividades de innovación educativa? Anexo I**

Considérase innovación educativa aquelas medidas e estratexias que se aplican co fin de favorecer a mellora dos procedementos de ensino e aprendizaxe. Estas medidas incorporan prácticas creativas e transformadoras que producen cambios planificados nas prácticas de ensino e convivencia dos centros.

Exemplos: actualizar as prácticas docentes a través das TIC, accións destinadas a mellorar o perfeccionamento docente, aplicar estratexias de aprendizaxe por proxectos, desenvolver traballos por competencias, fomentar a ensinanza virtual etc.

**23. Como se poden resolver as dúbidas? Base Segunda**

Calquera dúbida ou cuestión poderá dirixirse ao Servizo de Promoción de Emprego e Desenvolvemento Local da Deputación de Pontevedra a través do teléfono 986 804 100 ou no enderezo electrónico [depoemprende@depo.gal](mailto:depoemprende@depo.gal).